


Heinrich Rahn

**Rector Universitatis Rostochiensis Henricus Rahne I.U.D. & Prof. Ad Festum  
Sancto Spiritui Sacrum Pie ac iuste celebrandum Omneis Cives Academiae serio  
commonefacit : [P.P. ... anno salutaris Gratiae M.DC.LI.]**

Rostochii: Kilius, [1651]

<http://purl.uni-rostock.de/rosdok/ppn734833733>

Druck Freier  Zugang



R.U. Progr. 1650

- 1) Joach. Stockmann
- 2) Johannes Goltmann
- 3) "
- 4) Casper Mauritius
- 5) August Varenius
- 6) Joach. Stockmann



22

~~195~~

2

RECTOR  
Universitatis Rostochiensis  
HENRICVS RAHNE  
J. U. D. & Prof.


AD

FESTUM  
SANCTO SPIRITUI  
SACRUM

Piè ac justè celebrandum  
Omneis Cives Academiae seriò com-  
monescit.



ROSTOCHII,  
Typis NICOLAI KILII, Acad. Typogr.



Vod ipse sanctus Spiritus admirando suo adventu sanctum fecit FESTUM; quod sacrosancta Ecclesia ubiq; terrarum effusa lætitiâ celebrat: id ut etiam Nobis sanctum ac solenne occipiat & terminetur, faxit DULCIS HOSPES ANIMÆ, DULCE REFRIGERIUM! Qui optimas quasq; lingvas olim ipsa hac Pentecostes die unicuiq; Christi Amicorum insidens nobilitavit, omnium viventium singulare decus (ut Augustino loqui placuit) sanctum Spiritum hac luce omnium clarissimâ, nulla taceat lingvas; omnium ora laudibus efferant; devoto cultu vocatum excipiant. Quum post populi Israelitici ex Ægypto discessum DEUS Opt. Max. duarum tabularum leges promulgaret, ipse populus visis fragoribus, fulgetris, clangore tubæ, ac montis fumo perterritus abscessit, ac procul stans, à Mose, ut ipse audientibus loqueretur, non DEUS, ne morerentur, petiit. At, novi T. tempore, alterius Pentecostes Festo, sanctus Spiritus, ut quondam columba evulsam olivæ folium rostro ferens, ac Noæ arcæ ingerens, Charitatis ac divinæ Clementiæ Nuncius non de cælo locutus, sed inde quasi vehemens flatus ruens suo amore, qui quantum Amor, & ignis est, novi Federis Candidatos replevit; lingvarum variarum excellentiâ ornavit; ac blandè ad ipsos per interpretem suum differuit, atq; ad Paradisum rectâ ducentem semitam ostentavit. Exultemus & lætemur hocce remissionis ac indulgentiæ Die; hospitium paremus, portas pandamus Patri pauperum, ac Datori munerum, cujus beneficia tanta, ac tam varia sunt, ut ea

VIX

vix humanæ mentes capere, nedum linguæ. calamiq; ex-  
primere sustineant. Hoc quamvis compertum habea-  
mus, nostri nihilominus officij satisfacturos quædam in  
medium proferre necessitas jubet, quibus vestros, CI-  
VES ACADEMICI, animos ad tantarum rerum mo-  
numenta hisce feriis religiosè ponderanda emolliamus,  
ac huic solennitati debitam observantiam vindicemus.  
Ne tironem quidem sacrarum literarum, credentium Pa-  
tris prompta fugere potest alacritas, quum apparuisset JE-  
HOVA in querceto Mambreæ ad januam tabernaculi  
per æstum diei sedenti, quomodo tribus viris sese ei ex  
adverso sistentibus obviam occurrerit, eisq; summissè  
salutatis, ne præterirent servum suum, obsecravit, obla-  
taq; lavandis itinerantium pedibus frigidâ, quietem ac  
panis fructum ad recreandos animos ipsorum pollicitus  
sit, atq; hi precibus locum rogantis dederint. Oculos,  
ô boni, illuminatæ mentis tollite, hospitem præsentem  
advertite ac reveremini, à quo Pax, Gratia, Fides, ac  
fidei coronis æterna Felicitas, si usq; ad vitæ terminum  
perseveraveritis, in vos conferentur: Svave nomen  
Pacis, nec injuriâ ipsa à sanioribus quibusq; talis semper  
habita; unde non inelegans Vates:

— Pax optima rerum,

Quas homini novisse datum est; pax una triumphis

Innumerus potior; pax custodire salutem,

Ac cives æquare potens.

Verùm, immensis parasangis, quam supra Spiritus sancti  
donum esse indigitavimus, Pacem istam antecellit: quip-  
pe DEI illa, & à DEO omnem mentem exsuperans; hæc  
hominum, & ab hominibus, fragilis, lubrica, ac quæ elu-  
ditur, quum illis lubet. Experimur, ac dolemus,

— Quo pacto soleant perplexarier.

Pactum non pactum est, non pactum pactum est.

A 2

Qvalem

Qvalem pacem serio noster Servator detestatur, ac suam  
non ejusmodi futuram in concione illa luculentâ, qvâ  
sanctum Spiritum discipulis promittebat, adstruit, pa-  
cem, inquit, relinquo vobis, pacem MEAM do vobis;  
non qvemadmodum MUNDUS dat, Ego de vobis.  
Justificati fide, pacem habemus cum Deo, gentium Do-  
ctore teste. Fructus Spiritus est Charitas, gaudium, pax,  
ejusdem suffragio. Augustum sanè duobus ab A. A. pro-  
fectum elogium in Codice Justiniano radiat. *Advocati, qui  
dirimunt ambigua facta, causarum, suarq; defensionis viribus, in rebus sæpe pu-  
blicis ac privatis lapsa erigunt, fatigata reparant, non minus provident huma-  
no generi, qvàm si praelis ac vulneribus patriam, parentesq; salvarent. Mili-  
tant causarum patroni, qui gloriose vocis consistunt munimine, laborantium spem,  
vitam, & posteros defendunt.* Cujus in præsentia temporis memi-  
nimus, cum Spiritus sanctus etiam Advocati nomen  
fortiatur, & munus obeat. Advocatus, ait Christus, san-  
ctus Spiritus, quem mittet Pater meo nomine, is vos do-  
cebit omnia. Qvò autem officij hujus præstantia ac  
necessitas fiat illustrior, draconem illum magnum, ser-  
pentem antiquum, qui Diabolus ac Satanus appellatur,  
totum orbem decipientem, ac cæli heredes apud Deum  
dies ac noctes accusantem, paulisper disceptantem au-  
diamus. Is Tentator impudentissimus homuncionem  
aliquem suorum delictorum molem expavescentem, ac  
ideo de gratia Dei ambigentem, ignitis suis telis petere,  
ac metu exanimatum præcipitare in orbem nullus  
subterfugiat. Non possum non, omnium auxilio destitute  
Mortalis, tuum crimina tua etiam atq; etiam extimescen-  
tis, ac de divina misericordia dubitantis propositum  
probare. Scriptum est enim, execrabilem esse, qvicumq;  
non steterit omnibus in Legis libro scriptis, eaq; præsti-  
terit. Quid est homo, ut purus sit? ut sit insons, muliere  
natus? Deus ne sanctis suis qvidem fidem habet, nec cæ-  
lum

lum ipsum ejus judicio purum est: nedum abominandus  
& spurcus homo, qui nequitiam effuse imbibit. Tu dege-  
ner ille filius es, qui in caelum, ac adversus patrem caelum  
habitantem peccasti, ut jam non sis dignus, qui dicere  
ejus filius. Delicta tua tuum supergressa caput, te quasi  
grave quoddam onus opprimunt, adeoque capitis tui ca-  
pillis superant. Major est tua culpa, quam ut remittatur.  
Nec est quod in Dei clementia quicquam solatii superstes  
existimes: nam **DOMINUS** est ignis consumens, cujus  
ira ex improviso prodibit, atque tu ultionis tempore peri-  
bis. Multo minus latronis Christo commorientis inopi-  
nata prosperitate erigare. Scias enim, Christum ex mor-  
tuis excitatum, non jam moriturum, nec morti obnoxium  
futurum, ita ut tu cum Ipso istius instar denuo mori,  
ac ab infelice arbore in Paradisum possis tendere. Paeni-  
tentia fera, raro vera. Si justus aegre servatur, impiger &  
improbis ubi comparebit? Quis igitur te, ah miser, son-  
tium omnium coryphaeum ab istius mortis corpore libe-  
ret? Age, actutum id, quod postea est agendum tamen,  
me autore, agito. Non spera, nec respira, verum, uti  
Franciscus quondam Spira, ob tua crimina despera. Ad-  
restim cum Achitophete ac Juda, eisdem, quibus tu, con-  
scientiae laniatibus excarnificatis, prospera. Ensem, for-  
tissimum bellatorem Saulum imitatus arripe, ac tandem  
miseriarum tuarum, tui misertus ipsemet, quum Deus, a  
quo tua te peccata disjungunt, nolit, finem matura. In  
ejusmodi acerrimo conflictu nisi ille praestantissimus  
Praeses consilii ac auxilii disputanti ac aestuanti homini  
copiam suppeditet, actum cum eo est, perit victus. Ope-  
ra igitur precium est, ex Ipsius armamentario depromptam  
armaturam respicere, ac quo pacto adversus Spiritum  
malitiae eam, percussos ab adversario instruere consueve-  
rit, attendere, Qui cum certamen ingravescere advertit  
adeo,



adeo, ut ægrè simus sustinendo, haut tardat, haut de sup-  
petiis ferendis deliberat, sed promptissimus nos propug-  
natum advolat. Confide, fili, quid te deicis? quid adeo  
turbaris? Spem habe in DEO, quem celebrabis, præsen-  
tem consecutus ab eo salutem. Noli versutissimi Syco-  
phantæ fidem cavillationibus adhibere, qui Meo Verbo  
ad te decipiendum mirè ac miserè abutitur. Mendax est,  
ac mendacij pater. Eadem ratione, qui te precioso san-  
guine suo redemit, quiq; Me misit, Christum interris  
degentem adortus est. Sed irritò conatu. Ab eodem tuo  
Doctore & duce hostiles ictus disce exire & excipere.,  
Scriptum est etiam, responde: Christus nos à Legis exe-  
cratione asseruit, factus pro nobis execratio, ut ad gen-  
tes felicitas Abrahamica perveniat per Christum Jesum,  
ut promissum Spiritûs adipiscamur per fidem. Scriptû  
est iterum: quò plus peccati est, eò magis excellit gratia,  
ut, quemadmodum morte regnavit peccatum, sic gratia  
quoq; per justitiam regnet ad sempiternam vitam per  
Jesum Christum. Degener equidem sum filius, & de-  
genere illo pejor ( confitebor enim peccata mea,  
ut mihi Deus peccatorum veniam det, meq; ab omni  
culpâ expiet ) interim, cum peccasse pæniteat, ac  
veniam precatum eam, cælestis meus parens procul ad-  
huc absentem conspicatus, dolentis & suspirantis mise-  
rebitur, ac humanissime amplexus filiû reducem de oscu-  
labitur. Exorabilis & misericors Deus, non me averfabit-  
tur, quoniam ad Eum redii.  $\Delta\acute{o}\gamma\eta$  mihi opus, ô Satana ho-  
micida, non  $\beta\acute{\epsilon}\chi\eta$ . Mihi etiam  $\Delta\acute{o}\gamma\eta$  ille salutis missus  
est, ut credens in eum non peream, sed vitam sempiter-  
nam obrineam. Ac, quamvis inter fontes principem lo-  
cum occupem: certa tamen, & omni approbatione digna  
res, Jesum Christum in Mundum venisse servatum Mun-  
dum, ideoq; mihi tributum iri misericordiam, ut in Me in  
primis

primis Christus Jesus summam exerat clementiam. La-  
queum igitur, ensemq; apprehenderint, qui thronum  
gratiæ contempserunt; cum Juda & Spira desperarint, qui  
sperare noluerunt, vasa iræ ad exitium comparata: Ego præ-  
clarum certabo fidei certamen, vitam prehendam sem-  
piternam, ad quam vocatus sum. Video ac novi, qui me  
à morte hujus corporis, à Te, à Me asserturus est (quem  
tu, Sophista, tuis artibus usus me celare gestiebas) Vin-  
dicem. Deo gratias ago, qui mihi victoriam dedit per  
Dominum nostrum Jesum Christum. O Advocatum  
potentem ac fidelem, cujus ope & consilio de Calu-  
mniatore vaserrimo triumphare possumus! Hujus instin-  
ctu, bonâ Spe pleni in Cælum suspicimus, ac Cæli Con-  
ditorem affamur: *Tu pater noster es. Nam Abraham nescit nos, neq;  
Israel agnoscit nos, Tu, Jehova, parens, tu vindex es noster, nomine præditus  
antiquo.* Propheta Zacharias Spiritum Gratiæ ac depreca-  
tionum ipsum nuncupat; quod nescientibus nobis quid  
oremus, ut fieri debet, ille pro nobis supplicet gemi-  
tibus ineffabilibus, D. Apostoli Pauli sententiâ.  
Ceterum, inter divinas sancti Spiritus operationes, quas  
Apostolus I, ad Corinth. cap. XII. recenset, in apice eti-  
am hæc collocatur, quod nemo JESUM possit DOMI-  
NUM dicere, nisi per Spiritum sanctum. Ubi loci exerce-  
t Fides ejusdem donum nuncupatur. DEI opus est, ait  
Sospitator, ut credatis in eum, quem ille misit. Denique,  
ne Pace illa cælesti, ne Gratiâ, ne Fide excidamus unquâ,  
consignamur Spiritu illo promissionis sancto, qui est  
pignus hereditatis nostræ, ad servandam partam posses-  
sionem, quæ res ei gloriosa laudem parat. Quid agemus,  
viri fratres, pia corcula rerum divinarum amplitu-  
dinem Christi XII. Legatos suis peregrinorum lingvis  
eloquentes audientia ipsos percontabantur? Quibus re-  
liquorum nomine Petrus: ad frugem redite: baptizamini  
cuncti

cuncti in Jesu Christi nomine ad peccatorum veniam: atq; ex perverso  
hominum genere evadite; ac donum sancti Spiritus assequemini,  
dictum etiam Nobis, sancti Spiritus templis, & quod præsens est Fe-  
stum, dignè concelebraturis, putemus. *Oremus* hac solemnitate, & post  
eam ætatè cum magno Rege:

*Cor mihi rectum, scelerisq; purum,  
Opotens rerum genitor, resinge.  
Spiritus firmum renova novatâ  
Cordis in aulâ.*

*Neu mihi avertas faciem, tuoq;  
Arceas vultu procul, auferasq;  
SPIRITUM SANCTUM calidâ incitatus  
Rursus ab irâ.*

Graviter, ut omnia, eloquentissimus Ecclesiæ Græcus Doctor Nazianze-  
nus cohortatur:

*Χειρῶν ἔργον ἀείρον εἰς ἔργον αἰὲν ἀείρον  
Ἄγνας, καὶ παρελθὲν Ὀσέβεις λιπαῖς.*

*Amenus DEUM & proximum, exemplò novellæ Ecclesiæ primoribus  
suò prælucentibus, quos ὁμοθυμαδὸν sibi convixisse iteratò Autor omnis  
CONCORDIÆ & PACIS nobis literarum monumentis per D. Lucam  
Apostolum, qui quæ vidit ac audivit locupletissimus testis annotavit, ut  
imitemur, consignandum curavit. Audiamus verbum DEI, istius, quod in  
Actis Apostolicis commemoratur, memores: adhuc Petro verba hæc lo-  
quente, invasit Spiritus sanctus omnes eam orationem audientes. Loquamur  
lingvis nostris magnifica DEI facta; non eis proximum execremur, néve  
sævam illam viperam Calumniam procreemus. Quòd si quandoq; no-  
stræ obliiti vocationis eâ ratione exorbitemus, extemplò ad Nos, id est,  
ἡγεμονικὸν nostrum (quod excellentissimus Philosophorum Epictetus  
nuncupat, ac, ne lædamus, sedulò præmonet) reverſi, γλῶσσα, γλῶσσα,  
πῶς βαδίζεις; nobis suggeramus, ac sic constanter CHRISTIANI  
vocari ac esse annitatur. Quæ ut graviter à nobis fiant, caelesti  
suo Numine faxit consolator optimus!*

P. P. ipsâ sancti Spiritus principe feriarum, anno salutaris  
Gratiæ M. DC. LI.







nis & responsionis, qua est de homine  
 alissimam mortem, seu כרתת ארננו  
 conciliando per illam mortem DEO  
 רחמים הרבים illorum scilicet, et sic est  
 mentione & applicatione magnificâ,  
 propter Dominum, & triplicati ארני  
 dentiâ, tum ex ערב מנחה ערב quod non  
 piatorii ac propitiatorii sacrificii JES  
 moriam supplicanti & intelligentissimo  
 tori Danieli vel solâ suggerere ceremoniâ  
 tamen post 52. demum septim. בר השיב  
 434. annos illa כרתת המשיח futura  
 gai, utut 400 adhuc superessent anni, idem  
 habet: Malachia idem intervallum pro ex  
 mox, inquit, veniet: Sacharia: jubila  
 Zion, exsulta valde: Ecce Rex tuus:  
 sic ad eandem filiam Zion & domum  
 conspirabant duo potentissimi Reges, Feschaja  
 timeto והשקט והשמר contine te, & fi  
 lus esto: irritum erit & inane hostiu  
 lat pro domo Davidicâ Immanuel na  
 & Davidicâ stirpe: hoc ergo non erad  
 vidicæ vobis firmamentum & signum e  
 concipiet, & pariet filium, & vocabis  
 men ejus Immanuel.

Superat & facundiam disertissimorum  
 tis angustiam majestatica unius Esaiæ pro  
 totius Prophetiæ Thema generale שפ  
 הכולל: In solo Messia ex domo  
 ejusq; spirituali æterno & majestatico  
 lo corporali vel Judaico vel Israelitico

3

per re-  
 & re-  
 tum ex  
 אבן עזר  
 ati Dei  
 ne evi-  
 nici ex-  
 TI me-  
 scruta-  
 us. Et  
 seu post  
 Chag-  
 nodico  
 & mox,  
 o filia  
 nit tibi.  
 us funus  
 inquit,  
 anquil-  
 : vigi-  
 Virgine  
 nus Da-  
 ergo illa  
 על no-  
 gramma-  
 rve enim  
 הכוונה  
 scendo,  
 on in ul-  
 tum or-  
 bis

